



Dydd Mercher 28 Chwefror 2024: O dan embargo llym tan 12.01am 1 Mawrth 2024

CGGC yn cyhoeddi Prif Weithredwr newydd

Mae Cyngor Gweithredu Gwirfoddol Cymru (CGGC) wedi cyhoeddi heddiw y bydd Dr Lindsay Cordery-Bruce yn cymryd yr awenau fel Prif Weithredwr newydd y corff aelodaeth cenedlaethol ar gyfer mudiadau gwirfoddol yng Nghymru.

Lindsay yw Prif Weithredwr elusen ddigartrefedd Cymru, [Y Wallich](#), ar hyn o bryd, rôl y mae wedi bod yn ei gwneud am y chwe blynedd ddiwethaf. Bydd Lindsay yn cymryd drosodd o'r Prif Swyddog Gweithredol presennol, Ruth Marks, ym mis Mai, sy'n ymddeol ar ôl 40 mlynedd yn y sectorau gwirfoddol a chyhoeddus.

Gan wneud y cyhoeddiad ar Ddydd Gŵyl Dewi, dywedodd Dr Neil Wooding CBE, Cadeirydd Bwrdd Ymddiriedolwyr CGGC:

'Mae Lindsay yn dod â chyfoeth o brofiad fel Prif Swyddog Gweithredwr ac arweinydd elusen. Mae ei brwdfrydedd am y sector gwirfoddol yn amlwg a'i dull arwain yn cyd-fynd â'n gwerthoedd i ymddiried yn ein staff a'u grymuso i gefnogi'r sector.

'Mae'n olynnydd teilwng i Ruth Marks sydd wedi arwain CGGC am dros naw mlynedd a bod yn ymroddedig i'r sector ehangach drwy gydol ei gyrfa.

'Ymuna Lindsay â'r mudiad ar ddechrau ein 90 blwyddyn o weithredu ac ar adeg pan mae'r sector gwirfoddol angen i CGGC hyrwyddo ein hachos gyda phartneriaid ledled Cymru a'r DU yn fwy nag erioed.'

Dywedodd Lindsay Cordery-Bruce:

'Rwyf wrth fy modd ac yn llawn cyffro i ymuno â'r tîm rhagorol yn CGGC. Rwyf wedi bod yn cefnogi CGGC ers blynyddoedd maith, a hoffwn fynegi fy niolch personol i Ruth Marks am ei chefnogaeth ac am bopeth y mae wedi ei dysgu i mi dros y blynyddoedd.

'Mae gan y sector gwirfoddol lawer o heriau a chyfleoedd o'i flaen, a byddwn ni'n wynebu'r rhain gydag arloesedd a brwdfrydedd. Rwy'n hollol argyhoeddedig fod yr atebion i'r problemau rydyn ni'n eu hwynebu yng Nghymru eisoes o fewn ein cymunedau, a bod modd eu harneisio drwy gyd-gynhyrchu a chynnwys y gymuned.

'Bydd hwn yn newid mawr i mi ac mae gennyf lawer i'w ddysgu, ond rwy'n ffyddiog y gallwn barhau i fynd ag CGGC o nerth i nerth drwy gydweithio a phartneriaeth.'

YNGLŶN Â LINDSAY

Yn dilyn gyrfa hirfaith yn arbenigo'n benodol ar y maes camddefnyddio sylweddau, mae Lindsay wedi treulio'r chwe blynedd ddiwethaf yn ceisio trechu digartrefedd fel Prif Weithredwr Y Wallich.

Dechreuodd Lindsay ei gyrfa fel gwirfoddolwr ar ôl profi digartrefedd, ac mae wedi gweithio yn y Gwasanaeth Prawf, sefydlu'r gwasanaeth atgyfeirio ar ôl arestiad cysylltiedig ag alcohol cyntaf yn y DU, ac mewn Partneriaeth Diogelwch Cymunedol. Mae gan Lindsay ddoethuriaeth broffesiynol mewn Seicoleg gymhwysol.

Bu Lindsay yn aelod o fwrdd CGGC am wyth mlynedd, gan gamu i lawr ym mis Tachwedd 2023. Mae'n parhau i wasanaethu ar fwrdd [Tai Pawb](#), yn hyrwyddo cydraddoldeb mewn lleoliadau tai. Mae Lindsay yn

gwirfoddoli gyda'r Llinell Gymorth Draenogod, yn ateb galwadau ffôn ac yn adsefydlu draenogod.

Mae Lindsay yn wraig briod hapus i Lisa, a chyda dau lysblentyn, dau gi, pedair iâr a thua 200,000 o wenyn. Yn ei hamser rhydd, mae'n codi pwysau, yn mwynhau paffio ac yn hoff iawn o weithio gyda'i dwylo.

__Diwedd__

Am ragor o wybodaeth, cysylltwch â Simon Dowling ar 0300 111 0124.

NODIADAU I OLYGYDDION

- Mae llun proffesiynol o wyneb Lindsay Cordery Bruce i'w ddefnyddio gan y wasg ar gael i'w lawrlwytho - <https://we.tl/t-I5tr9C1gtz>
- [Cyhoeddodd Ruth Marks ei bwriad i ymddeol ym mis Tachwedd 2023](#)
- Cyngor Gweithredu Gwirfoddol Cymru (CGGC) yw'r corff aelodaeth cenedlaethol ar gyfer mudiadau gwirfoddol yng Nghymru. Rydym yn bodoli i alluogi mudiadau gwirfoddol yng Nghymru i wneud mwy o wahaniaeth gyda'i gilydd. I ddysgu mwy, ewch i www.wcva.cymru

Er mwyn i ni hybu'r sector gwirfoddol yng Nghymru a diweddarau ein cysylltiadau yn y wasg ar newyddion perthnasol gan CGGC, cofnodir eich gwybodaeth ar ein cronfa ddata. Darllenwch ein hysbysiad preifatrwydd, sydd ar wefan CGGC, i ganfod sut bydd eich gwybodaeth yn cael ei defnyddio, pwy fydd yn gallu ei weld, y sail gyfreithiol dros gadw eich gwybodaeth a'ch hawliau o ran yr wybodaeth hon.

Swyddfa Gofrestredig – Prif Swyddfa: Un Rhodfa'r Gamlas, Heol Dumballs, Caerdydd, CF10 5BF (Swyddfeydd hefyd yn y Rhyl ac Aberystwyth)

Ffôn: 0300 111 0124

E-bost: help@wcva.cymru

Cyngor Gweithredu Gwirfoddol Cymru
Elusen gofrestrdig 218093
Cwmni Cyfyngedig drwy Warant 425299
Cofrestrwyd yng Nghymru